

志卷四

學校

盖自唐虞有上庠下庠夏商立東序西序右學文學至周設膠庠宗瞽科條始備當時若夔稷契臯尹畢散之徒皆佩服聖化度粵千古歷代廣置學宮郡邑皆立學校擇民間雋秀群之宮墻申之誠令牖以圖書贍以廩餼一道同風化及閭里故封邑士子徃徃負瓌材節氣潛養闇修崛起有待然而沈淪曲屈多所未伸於戲河圖洛書非封也封接其流鄒魯洙泗非封也封亘其域逆流窮源聞

封邱縣志

卷四

一

風沾澤泫然可自勵矣古人有言曰通天地人曰儒朱子亦曰取士大者在經子史時務與夫古今興亡得失之變禮樂制度天文地理兵謀刑罰之屬皆不可不習故曰士不可以不宏毅又曰隱居以求其志豈曰染翰操觚遂足以爲士哉

殿宇

儒學在縣治東南唐武德時建元至正間重建明洪武五年縣丞張重海重修

先師廟

七楹明初日大成殿今改日文廟

宣德七年教諭陳普建成

化七年知縣計璠嘉靖三年知縣龔治三十三年知

縣文大才萬歷九年知縣郝國章相繼重修

國朝順治九年河決衝毀知縣余縉重建工始於十五年
八月至十六年正月落成

東廡西廡嘉靖十三年主簿謝鉞修葺隆慶五年知

縣李呈明萬歷三十二年知縣陰象坤三十五年知

縣趙浩相繼重修順治九年河決全毀今重建

戟門嘉靖十三年主簿謝鉞修葺萬歷二年知縣胡

以祚重修

櫺星門正德九年知縣劉澄重建萬歷二年知縣胡

以祚重修德配天地坊四十四年知縣王策重修

又建

封邱縣志

卷四

二

興賢育才坊添柵欄

泮池宏治十七年知縣王麟創建萬歷

二年知縣胡以祚重修

舊基在學外萬歷二十四年知縣王三極移學內學外仍

存土泮池甚大

神庫

在文廟西

嘉靖十四年縣丞趙昌齡建

神路宏治十七年知縣王麟砌

啓聖祠

在文廟東北

嘉靖十年知縣孟霽創建萬歷六年

知縣葉正蒙三十二年知縣陰象坤重建

明倫堂

五楹在文廟後

成化二十二年知縣張天衢正德九

年知縣劉澄嘉靖十八年知縣朱縉相繼建修隆慶

五年知縣李呈明重修

敬一亭

三楹在明倫藏卧碑

任五歲嘉靖十年知縣

明重修 敷教堂 進德齋 修業齋萬曆

知縣張鯉重修 東號房 西號房俱知縣張

劉澄朱縉相繼建修 尊經閣 三楹有臺高一尺在明倫堂後

日文昌閣 萬曆二十五年知縣王三極創建 魁樓 一

學門內 以上俱於順治九年河決全毀今陸續重

秦公祠 三楹在文廟西 正德九年邑人建十二年知縣張

嘉靖五年知縣龔治重修十七年御史石沙玉命

縣易冲增修 添置頭門增設畫象 隆慶五年知縣李呈明重修

萬曆四十三年知縣王策重修 添設二門甬道增設垣壁

順治九年河決祠全毀今碑記尚存議鳩工重建

封邱縣志

卷四

按秦公以大梁監司值劉六寇黨自長垣突犯封城

民駭懼援帥欲率衆遁走公巡徼適至用忠義

群心遂厲氣登陴賊再薄城殲之殆盡卒全封邑

封人德之建祠於文廟西云

陳公祠 三楹在文廟東 嘉靖二十四年知縣文大才重

歷六年知縣葉正蒙重修今全圯議建 名宦

在啓聖祠左 鄉賢祠 三楹在啓聖祠右 俱知縣張天衢劉澄朱

相繼建修李呈明重修萬曆三十二年知縣陰

重建

按名宦鄉賢二祠尤爲報功銘德鉅典今 河決

亟議修建

土地祠

在尊經

射亭地基 萬

諭馬載經建

射圃亭

在尊經閣東
今建土地祠

教諭宅

在文廟西北

萬歷四十年教諭郭衛民重修

訓

導宅

一在文廟東
一在文廟西

萬歷三十一年訓導紀壯重修四

十年訓導齊椿齡建修

以上俱湮毀現今重建

薛文清日今太學有廟闕里有廟天下郡邑學皆

廟俾所屬各以時飭正祀事國家所以致隆於夫子

之意可謂厚矣往太牢一祀漢以開四百年之基業

終綱目書祀孔子者六皆深嘉而特與之要未有如

明歲時致祭二典埒於天子者也然尊聖人所以

封邱縣志

卷四

四

來學也興賢育才不可緩也古者設庠序以化

仁漸義摩故造士皆有實用足以濟世務而興

不然即擿藻揆天聲名若日月亦奚裨實用有

聖教哉故教有隆替繫國運污隆士有真偽關

醇漓及門之彥與有作人之責者得無致慎於

萬歷四十一年知縣張鯉群士子於明倫堂會
饌時加品題上下以示激勸萬歷四十三年知

策復於東察院約士子會文給饌朝
夕移子臨視并令三師監之

按封自河決後學宮既毀官吏師儒散處村落非

使者校歲科試則諸生恒以貧營生計輟學

知縣余縉殫力訓勉勤加課試有捐本業弗率

教諭宗錫印其懲之數年來士風雅馴好學
公廷遂無曳裾近文廟各祠宇陸續重建將來興
育才勿遷其地而文行相砥俊髦蔚盛封庠其有
之觀乎

綸音

洪武十五年頒

禁例於學校鐫勒卧碑於明倫堂之左永爲遵守

移置敬亭

嘉靖五年頒御製敬一箴五箴註

嘉靖九年頒御製正孔子祀典詵

封邱縣志

卷四

五

在昔有周制成均立宗伯合一國子弟教以中和
庸孝友乃諷誦言語諄諄警覺甚且盪以管絃象
籥舞用以申翼命惕遊佚也今諭立戒甚嚴牧師
作人釐有成法士且蒸蒸丕變矣然石篆止屬空
偃趨徒習揖遜謂宜時親講幄舉昔日二館三舍
幡歌雅之事時一舉行於以滌蕩身心振厲惰
敦倫力行之士且將淳艾而起無曰叔季之世
思皇媲美也 以上舊頒宸翰皆淪胥悉盡矣
國朝嘉惠作人新制肇錫來茲金石之篇自有
天章煥發者於論鼓鍾當不止 歌 爲一代菁 之

化已也

書籍

洪武十四年頒書於學校

四書大全 見存十六本

易經大全 見存十一本

書經大全 見存十本

詩經大全 見存九本

禮記大全 見存十七本

春秋大全 見存十八本

性理大全 見存十九本

封邱縣志

卷四

六

永樂十七年頒書於學校

大誥 見存

大明律 見存

五倫書 見存四十九本

爲善陰隲 見存

孝順事實 見存

勸善書 見存六十三本

歷代添置書籍

文獻通考 見存四十五本

文類 見存十六本

見存三十九本

大明 統志 見存十一本

河南總志 見存七本

朱子語錄 見存八本

太學衍義補 見存三十本

史記 見存二十本

通鑑 見存三本

禮書 見存七本

樂書 見存六本

周書 見存八本

封邱縣志

卷四

七

書 見存三十一本

宋書 見存三十七本

梁書 見存十本

陳書 見存七本

隋書 見存二十本

魏書 見存三十二本

五代史 見存八本

元史 見存四十本
以上歷來失遺不全後漸

萬歷四十二年 置

學 六本

史記評林 四十本

五代史抄 十本

荆川文集 八本 知縣王策添置并置書櫃藏貯

以上諸書舊志已云散亡當不至洪流潰決之日始全委波臣矣蓋河朔經史子集家藏者最少借書還書恒多舛謬學博稍瞻顧人情任其携取五車二西旋爲河東三篋矣嗟乎柱下之文不灰於秦而於咸陽之一炬封庠之籍不漂於水而溺於好事之乞觀雖大小不倫而顛倒紊失其可太息痛恨者若相類也

封邱縣志

卷四

八

自結繩而後聖王有蝌蚪鳥跡之文而書契興焉然書所以載道也道在六經四書則至精微迨有宋詩儒述演發明聖道燦然簡牒有目者皆獲共覩矣楊子雲曰著古昔之囁囁傳千里之恣恣者莫如書歷代諸子百家遞有纂述而照代爲盛然龐雜亦甚傳會不少乃經義典謨并御製諸書則皆大經大法藉以正人心厲世風者所謂群書郭郭也舊志失載按滿城志及學中書冊一牒謄書於右索之學宮則散失多矣深咎往日藏貯不謹典守非人遂致令車書一統之世封獨不昭典謨訓誥之全也

之人有彙次而增補之者斯亦繼往開來一事嘉惠後學豈淺鮮哉

按學宮群書爲多士誦讀師資之要典今散佚已盡亟當購補增備以充講習且立厲禁條約以杜後來竊匿之弊俾主藏者世守勿失更設立書田數頃歲收租稞資買補凡士之單寒無藏書者令得時赴學熟習願手錄者聽之如是則古學蔚盛雖囊士之腹便便富於武庫皆通經適用之才矣

祭品

鐵香爐四十五箇

封邱縣志

卷四

九

銅爵盞三件

錫爵盞一百二十二件

錫籩豆二十二件

鐵花瓶一副

鐵蠟臺一副

祭帛匣六副

祭文板二座

絹帳幔五副

布帳幔四副

籩豆五百件

萬歷三十九年
知縣張鯉置

春秋加意祀典凡牲牲肥腍粢盛豐備必書詩重犧尊禮謹薦俎蓋祭貴備物能備然後能祭然祭物非自外至也自中出於心者也故祭統謂致其誠信奉之以物道之以禮明薦之而不求其爲此仁孝誠敬之至推之師聖則愈大而備矣豈曰此器數之末庖人之守哉

按舊志所載祭器因河患後蕩然無存矣近重建文廟役夫覘土所獲鐵爐臺之屬甚多而銅錫器具百不存一意水至時已爲人所豫竊也今聖域巍然而樽俎不備享祀盥獻奚以薦誠有教養斯民之責者制器尙象以志蠲潔誠不可旦夕緩也

封邱縣志

卷四

十

養田

嘉靖四十年

輸學田三十畝生員劉勃劉勅輸

在留村提學副使發尙義扁旌其門

萬歷二年

置學田一頃四十畝知縣胡以祚置

在縣東三里許

萬歷三十九年

置學田二頃知縣張鯉置

在柳固立石界有學田碑記

司馬君實不期温飽豈以土而沾沾升斗以自給耶孔子日行已有耻孟子曰有恒產者有恒心則所

詣倉廩實知禮節衣食足知榮辱者豈虛語哉官以養廉士以養耻故於廩餼之外別有養田以給士者上之人厚士意也若士則窮當益堅矣

按封庠舊置學田皆勒碑鬻宮以防兼并杜廢弛也近田在草間蕪穢不治而士之貧無立錐者亦不敢擅爲耕墾盖賦稅徵催甚速恐荷鍤甫歸而追呼立至也詩曰季女斯饑楚辭曰西施負薪言公田廢而贍養無資猶責窈窕者以樵蘇之役而靜女淑媛刺繡紋不若倚市門也嗟夫戶無斗筲鳴琴在室當塗者可不亟爲之所乎

社學

社學有九在縣者二一在縣治西一卽稅課局在鄉者七中灤城大張村一新興集一馮村集二劉光集一于家店二俱嘉靖二年知縣龔治建修隆慶六年知縣李呈明重修萬歷四十三年知縣張鯉重建社學升於小學實次於學校學理無精粗特功需馴詣耳程子曰學須合內外之道一天人齊上下學而上達故古人十五入小學盥弁食息各有所養非僻之心無自而入今人鄙薄日用動希玄解是猶未涉墜墜而欲登崇山未識滄溟而欲測重淵也故蒙

養作人猶當以社學爲始而司社學者尤貴得人
訓習有實效云

按社學卽古小學也封先世賢令建置者九其於作
勸學可謂篤且摯矣惜歲月漸久茂草叢棘中邊
無可復辨今議擇村落繁稠之區仍各設數楹以
教育凡民間子弟年十歲以上天資穎敏者俱
社肄業選庠衿老成有學行者爲之師歲時廩
襪之屬官爲措置其生徒貧乏者從游勿受館
冊楮墨諒爲濟以俾奮勉如是則鄉里受學
衆而由小學入大學循序漸及教無躐等誠葛

封邱縣志

卷四

十一

易之良法也

鄉約

明郡邑各設鄉約所揀里巷耆碩充之每鄉約
副二人平居則令群鄉民子弟訓說以爲善道理
望則聲其勸戒令小民環堵而聽之無非欲民
安業無卽嚚頑也三代有鄉老掌鄉之政教禁今
射鼓鐸詢之衆度月正讀法歲終考事用以敦
行糾舉褒惡故其民北屋可封今諭民孝順六
切明盡與卧碑相爲表所謂勞來匡直又從而
德之者非耶使家喻戶遵豈不和容媼穆入皆

法以民玩舉行視爲收事鄉約正副任用或非其人昔黃次公親執俎并鄭子產不毀鄉學百姓化之俗以愿美古人留意於鄉學若此舊刻中有一二鄉約事宜可行者附錄於左

甲飭鄉甲約曰

寧陵呂坤按
察關中刻

成周立教監於夏商土

有庠序學塾以合其群民有比閭族黨以萃其渙故百井結爲一體千民聯屬成家觀俗於鄉則里仁美化行於下則百姓親睦未有人各任情家自爲俗而成遷善遠罪之治者也自教衰民散之後惟鄉約保甲最良雖化民成俗之意未及古人而軌衆齊

之方寔仍前代茲法累朝申明建白不啻再三矣奈約束不擇善良編派委之里老時逢朔望聚者豈無千人講者不聞一語混雜而來饑疲而散聖諭照揭遵違誰復知聞罪犯逮捕繩糾獨憑三尺積習既久振舉實難若殿最之條但以教化風俗爲首則守令之政自以鄉約保甲爲先其法凡在市在鎮以百家爲率孤庄村落以五里爲率各立約正一人約副一人選公道正直者充之約講一人約史一人選善書能勸者充之十家內選九家所推者一人爲甲長每一家又以前後左右所居者爲四隣一人有過四隣

勸化不從則告於甲長轉告於約正書之紀惡簿一人有善四隣查訪的實則告於甲長轉告於約正書之紀善簿其輕事小事許本約和處以息訟端大善大惡仍記季終報官以憑獎戒如善惡有蹟跡約正等不報者坐罪如鄉閭平居無事則互相丁寧一有過惡則彼此詰責奸宄何所容其身百姓安得不寡過刑清政簡之效可以漸臻知禮畏義之風可以日長願與一二有司一講求之儻以怠忽之心應督責之命選擇不得其人激勸不由其道則其會祇增煩擾約束反濟奸雄非法之無良則行法者之罪也

都約

封邱縣志

卷四

十四

主勸善以化導爲先保甲主懲惡以究詰爲重此法邑皆可行行皆有效

同心共濟約日

邑人邊有猷守西安刻

鄉約之行先教化而後

刑罰移風易俗之方莫善於此蓋耆老良民百姓之望如有公道正直勸善攻惡積財救貧安分守法一鄉一村一街一巷人人稱有德者許鄉村街巷百姓連名保舉以充鄉約之令鄉約令查里民六十以上無兒夫婦能看家做活年力尚壯者卽責付其侄婿令其收養姑免丁銀不肯收養以不尊敬長上論無侄婿者方收付養濟院其節婦義夫死事之妻之老貧乏不能自存孤苦無人依賴養濟

屑此等善人宜加優 有司令 約間報甲上司每

年給與粟布視養濟數差人以禮送諸其家

選用鄉約及導

民養老恤貧凡此皆勸善事往時行之秦中民多從之

按鄉約之設化民導俗戢暴禁奸誠令典也封民雅重
高年無敢恃壯侮老但旌善罰惡之舉以不行於里
社而醇愿者多樸拙既不能以古道勸諭子弟其巧
猾無行者或冒充以免徭役則躬罔克藏何由善物
此鄉約之法所以日趨於廢格也近又奉

憲令增設木鐸鄉約以資講訓然選舉未獲其人朔望
期會僅奉行故事旋亦迂濶視之矣苟欲振刷頽俗

封邱縣志

卷四

十五

以敦古道可不慎重厥選行漢鄉三老之法乎